

## CONVENIO DE COLABORACIÓN ENTRE A AXENCIA TURISMO DE GALICIA E A ASOCIACIÓN NOVE GRUPO GASTRONÓMICO PARA A PROMOCIÓN DA GASTRONOMÍA DE GALICIA

Santiago de Compostela,

### REUNIDOS

Por unha parte, D<sup>a</sup>. María Nava Castro Domínguez, directora da **Axencia de Turismo de Galicia**, en virtude do nomeamento efectuado polo Decreto 120/2020, do 10 de setembro (DOG núm. 185, do 11 de setembro), e conforme ás facultades que lle confire o apartado dous da disposición adicional segunda do Decreto 108/2022, do 16 de xuño, de estrutura orgánica dos órganos superiores e de dirección dependentes da Presidencia da Xunta de Galicia (DOG núm. 117, do 20 de xuño), que desconcentra na titular da Dirección da Axencia a competencia para subscribir convenios de colaboración no seu respectivo ámbito competencial, de acordo co previsto no artigo 15.2.c) dos estatutos da Axencia Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

Doutra parte, D. Daniel Guzmán Cima, en calidade de Presidente da **Asociación NOVE Grupo Gastronómico**, con domicilio social na Avda. Santiago, nº 12, CP 15840, Santa Comba, con CIF G36443018.

Interveñen en función dos seus respectivos cargos en exercicio das facultades que, para convir en nome das entidades que representan teñen conferidas

### EXPOÑEN

**Primeiro.-** Que a Axencia Turismo de Galicia, en virtude do disposto no artigo 9 dos seus estatutos aprobados polo Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, é a entidade da Xunta de Galicia á que lle corresponde o exercicio, entre outras, das competencias en materia de fomento e competitividade do turismo.



No exercicio das súas funcións, a esta Axencia correspóndelle executar as medidas definidas para a promoción e fomento do sector turístico de Galicia, levar a cabo plans e programas de acción e colaborar no desenvolvemento de actuacións que lle permitan acadar os seus obxectivos. Entre os seus fins están o de promover a oferta turística existente e para isto, considera estratéxico o desenvolvemento dun conxunto de accións de apoio á gastronomía galega que posibilite así a competitividade de Galicia fronte a outros destinos.

A potenciación da nosa gastronomía considérase un factor clave para a redistribución da riqueza, capaz de fomentar o equilibrio entre as diferentes zonas do territorio e permitir dar a coñecer os excelentes produtos que ofrecen a terra e o mar galegos.

**Segundo.-** Que a Asociación NOVE Grupo Gastronómico é unha entidade sen ánimo de lucro cuxos fins son a defensa e promoción dunha concepción moderna e contemporánea da cociña galega dende o respecto a os seus orixes, cunha gastronomía de vangarda “made en Galicia” que combina o mellor da tradición e da innovación atendendo ás novas técnicas postas a disposición da calidade dos nosos produtos.

A Asociación NOVE Grupo Gastronómico exalta a gastronomía de Galicia como un elemento vertebrador e un dos piares fundamentais da cultura dun país, integrada pola súa historia, as súas tradicións, as súas creacións artísticas e polos seus costumes gastronómicos. A promoción da gastronomía contribúe dun xeito moi importante a atracción turística de visitantes xa que este constitúe un dous maiores potencias da nosa comunidade.

Para a consecución dos seus obxectivos, Asociación NOVE Grupo Gastronómico conta cos restauradores de máis relevancia da comunidade autónoma entre os que figuran algunhas das principais figuras da gastronomía internacional.

**Terceiro.-** Que a Axencia Turismo de Galicia, dentro das súas competencias, considera de interese xeral para Galicia e especialmente para o sector turístico, tralo contexto do Ano Santo Xacobeo 2022, difundir a cultura gastronómica de Galicia dando visibilidade á cociña creativa, centrando os seus esforzos en situar a Galicia



como un destino saudable e sostible enfocando as súas accións cara a sustentabilidade, o rural, a economía circular e a tradición, potenciando a parte educativa e de divulgación.

**Cuarto.-** Que as dúas partes entenden que é importante fomentar, promover e divulgar a gastronomía galega: a materia prima, os produtos de alta calidade cos que conta Galicia. Queremos contar a historia deses produtos, de como interactuamos con eles ao longo da historia, como se foron creando as tradicións e como se foi evolucionando e innovando ao longo do tempo.

*Os Sabores do Camiño* pretende ser unha homenaxe ao protagonista da gastronomía galega: a materia prima. Narrar a historia deses produtos, como se foron creando tradicións ao longo da historia e a súa evolución no tempo.

Trátase dun labor de investigación para a creación dun fondo de contidos de interese cultural, gastronómico e turístico que se trasladará a un mapa de Galicia interactivo, para a súa consulta e posta en valor da gastronomía galega.

A partir deste proxecto que une a produtores, distribuidores, comerciantes e cociñeiros, crearanse contidos audiovisuais en torno ao produto e á gastronomía galega para a súa difusión aos diferentes públicos do proxecto (amantes da gastronomía e profesionais).

O proxecto ten como obxectivos:

- Proxectar a gastronomía galega para o posicionamento de Galicia como un destino saudable e sostible, no que a calidade constitúe o principal sinal de identidade.
- Empregar a gastronomía como vehículo para a posta en valor do rural galego, e modelo de sustentabilidade 360°.
- Incorporación da tecnoloxía e impulso da innovación no ámbito gastronómico.

Por parte da Axencia Turismo de Galicia considerase axeitado, por razóns de interese público e social, colaborar nas actuacións deste presente convenio coa Asociación



NOVE Grupo Gastronómico, dadas as específicas características desta entidade, xa que é a única asociación de cociñeiros existente en Galicia que reúne aos principais e máis prestixiosos restauradores da comunidade autónoma, e polo tanto a única capaz de desenvolver o obxecto deste convenio, razóns polas que non é posible promover a concorrència con outras entidades.

Dada a converxencia de ámbitos de actuación e o mutuo interese en xuntar esforzos na consecución duns fins que son comúns, as partes asinantes, en virtude da representación coa que interveñen, acordan a subscrición do presente convenio, de acordo coas seguintes

## CLÁUSULAS

### Primeira.- Obxecto

O obxecto do presente convenio é a promoción conxunta da Comunidade Autónoma de Galicia a través do proxecto *Os Sabores do Camiño*, co fin de consolidar o seu posicionamento como destino de turismo gastronómico saudable, sostible e de calidade a través da innovación e poñendo en valor o rural, a economía circular e a tradición da cociña galega.

### Segunda.- Orzamento e financiamento

O orzamento estimado para a celebración das accións obxecto do presente convenio ascende a un total de **48.400€ (IVE incluído)** que se distribúen deste xeito:

Acción	
<b>Proxecto de investigación</b> 5 cociñeiros NOVE Equipo de profesionais de historia, etnografía, agricultura, bioloxía, etc.	19.000€
<b>Elaboración de contidos</b> Redacción de textos de presentación e explicación do proxecto Redacción de 10 fichas de produtos	3.000€
<b>Elaboración de contidos audiovisuais</b> Fotografía (10 produtos) Vídeo (5 produtos)	14.000€
<b>Supervisión e asesoramento no deseño de sitio web</b>	1.000€
<b>Coordinación do proxecto</b>	3.000€



	<b>Total</b>	<b>40.000</b>
	<b>Toal con IVE</b>	<b>48.400</b>

Deste orzamento, a Axencia Turismo de Galicia, financiará o importe 48.400€ con cargo á aplicación orzamentaria 04.A2.761A.640.0, proxecto 2013 00004, dos orzamentos xerais da Comunidade Autónoma Galega para o ano 2023. A achega que fai a Axencia Turismo de Galicia para posibilitar a realización das actuacións, cubrirá só o custo de realización da actividade sen que a Asociación NOVE Grupo Gastronómico, obteña beneficio ou lucro industrial algún con esta.

### **Terceira. Compromisos das partes**

A Asociación NOVE Grupo Gastronómico comprométese a realizar todas as actividades precisas para que as actuacións do convenio de colaboración se desenvolvan correctamente, e en concreto comprometéndose a:

- Entregar á Axencia Turismo de Galicia unha memoria das actividades realizadas.
- Realizar as actividades previstas neste convenio
- Conservar os documentos xustificativos das accións realizadas, que estarán a disposición da Axencia Turismo de Galicia para que, no seu caso, poidan realizarse as actuacións de comprobación pertinentes.
- Prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas.
- A relacionarse exclusivamente por medios electrónicos coa administración en base ao establecido no artigo 14.2 da Lei 39/2015, do procedemento administrativo común das administracións públicas.
- Incluír en toda a documentación e soportes específicos para o evento que se trata dunha actuación con financiamento da Xunta de Galicia a través da Axencia Turismo de Galicia e incluír a marca turística de Galicia en todas as actividades obxecto do presente convenio de colaboración.



- Subministrar á Axencia Turismo de Galicia, en virtude do disposto no artigo 4 da Lei 1/2016, do 18 de xaneiro, de transparencia e bo goberno, previo requirimento, toda a información necesaria para o cumprimento pola Axencia Turismo de Galicia, das obrigas previstas no Título I da citada lei.
- A sinatura deste convenio implica, de ser o caso, a autorización á Axencia Turismo de Galicia para solicitar as certificacións acreditativas de que se atopa ao corrente das obrigas tributarias estatais e autonómica e da Seguridade Social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido na Lei Orgánica 3/2018, de 5 de decembro, de protección de datos, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

## 2. Serán obrigas da Axencia Turismo de Galicia:

- Aboar o importe correspondente, logo da xustificación da execución das accións a desenvolver, de acordo co establecido neste convenio para os pagamentos.
- Proporcionar á entidade os datos e a documentación que se lle requira e que garante a obxectividade e veracidade da información responsabilizándose a Axencia dos datos e documentación que facilite para a execución do convenio.

A Axencia Turismo de Galicia comprométese a:

- Achegar a contía prevista na cláusula segunda.
- Colaborar nas actuacións de promoción e divulgación das accións obxecto do presente convenio.

## **Cuarta.- Resultados conxuntos**

Para o caso de utilizar materiais e/ou documentos básicos elaborados conxuntamente polas partes asinantes serán de titularidade e uso común, sen



prexuízo dos dereitos de propiedade intelectual que, de ser o caso, os protexan fronte a terceiros.

As partes asinantes farán constar, nun lugar destacado, a colaboración da Xunta de Galicia e do medio de prensa e, sexa cal for o medio de difusión, cada unha das partes comprométese a facer mención da outra parte deste convenio.

#### **Quinta.- Inexistencia de relación laboral**

A subscrición do presente convenio non implicará relación laboral ou de calquera outra natureza entre a Axencia Turismo de Galicia, e as persoas ou profesionais dependentes das entidades que desenvolvan as accións que constitúen o obxecto do mesmo, de tal xeito que, por este concepto, non se lle poderá esixir responsabilidade algunha directa nin subsidiaria.

Non se derivarán obrigas propias dunha relación laboral ou contractual de conformidade coa normativa vixente.

#### **Sexta.- Xustificación e pagamento**

O pagamento por parte da Axencia Turismo de Galicia efectuarase do seguinte xeito:

- No prazo máximo dun mes desde a sinatura do convenio, unha contía máxima de 19.000 € mais IVE, co obxecto de financiar a fase inicial das actuacións relativas ao proxecto de investigación, coa entrega dun informe de análise e diagnose previo para a elaboración de contidos da enciclopedia gastronómica de Galicia. Para isto, a entidade deberao enviar xunto coa factura sinalada nesta cláusula sexta.

- A contía restante ata o máximo establecido no convenio unha vez rematadas as actividades, e levarase a cabo unha vez xustificada a totalidade do convenio por parte da entidade, que debe facerse coa entrega, antes do remate do prazo de xustificación, da seguinte documentación, en relación ás actividades cuxa realización asumen, de conformidade co seguinte:



-Memoria explicativa da actividade realizada e acreditación do cumprimento do obxecto do convenio.

- Facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación á que se fai referencia no apartado anterior e a documentación acreditativa do pago.

Non obstante, as facturas sinaladas nos puntos anteriores poderán ser substituída por factura emitida pola entidade á Axencia Turismo de Galicia polas actuacións realizadas obxecto de este convenio de colaboración.

- Certificacións de estar ao corrente das súas obrigas tributarias e da seguridade social e de non ter pendente débedas por ningún concepto coa Xunta de Galicia.

Así mesmo, deberá remitirse o detalle da documentación na que conste a colaboración da Xunta de Galicia.

A Axencia Turismo de Galicia resérvase o dereito a solicitar toda a documentación que considere precisa en relación coa xustificación do convenio.

A documentación correspondente á xustificación presentarase de forma electrónica a través da sede electrónica da Xunta de Galicia (<http://sede.xunta.gal>).

O prazo para presentar a documentación xustificativa será o 15 de novembro de 2023.

No caso de que finalmente o orzamento executado fose inferior ao orzamento estimado previsto na cláusula cuarta deste convenio, minorarase a achega da Axencia ao importe efectivamente xustificado, sempre e cando se acade o obxecto do convenio.



### **Sétima.- Comisión de seguimento**

Para o seguimento do convenio e da súa execución créase unha Comisión de Seguimento, que estará integrada por un representante designado por cada unha das partes asinantes. A comisión será a competente para decidir calquera cuestión sobre a interpretación ou execución do presente convenio.

A Comisión de Seguimento fará o seguimento dos traballos obxecto do convenio, así como resolverá as dúbidas que se presenten na súa execución e interpretación.

A súa actuación axustarase ao establecido na Lei 40/2015, do 1 de outubro, do réxime xurídico do sector público, e na Lei 16/2010, de 17 decembro, de organización e funcionamento da administración xeral e do sector público autonómico de Galicia.

### **Oitava.- Modificacións do convenio**

Calquera modificación do presente convenio deberá acordarse de xeito expreso e por escrito das partes asinantes e de acordo coa normativa vixente.

Así mesmo, e de conformidade co disposto no artigo 31.4 da Lei 14/2013, do 26 de decembro, de racionalización do sector público autonómico, os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sustentabilidade financeira.

### **Novena.- Natureza xurídica, réxime xurídico e xurisdición competente**

O presente convenio de colaboración formalízase ao abeiro do disposto na resolución de 8 de abril de 1991 pola que se fai público a acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e con particulares.



Este convenio ten natureza administrativa, e queda fóra do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, que os exclúe expresamente no artigo 6.2.

Seralle de aplicación o réxime determinado na Lei 39/2015, do 1 de outubro, do procedemento administrativo común das administracións públicas; na Lei 40/2015, do 1 de outubro, de réxime xurídico do sector público, e polas demais normas de dereito administrativo aplicables ou, no seu defecto, polas derivadas do dereito privado.

As cuestións litixiosas que poidan xurdir coa interpretación, resolución e efectos do presente convenio serán resoltas pola Comisión de Seguimento do convenio, e contra os seus acordos poderase interpoñer recurso contencioso-administrativo, segundo o disposto na Lei reguladora da dita xurisdición.

#### **Décima.- Causas de resolución**

Serán causas de resolución do presente convenio:

- O incumprimento do seu obxecto.
- O incumprimento total ou parcial dalgunha das cláusulas que o regulan.
- O transcurso do tempo estipulado sen que se culminen as actividades acordadas.
- O acordo unánime dos asinantes.
- A decisión xudicial declarativa da nulidade do convenio.



### **Décimo primeira.- Publicidade e rexistro do convenio. Consentimento para a publicidade de datos persoais**

O réxime de publicidade do convenio será o establecido na Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios. A sinatura do convenio leva implícita a autorización para o tratamento necesario dos datos e a referida publicidade.

Asemade procederáse a inscrición do convenio no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.

Coa sinatura do presente convenio as partes asinantes prestan o seu consentimento para incluír e facer públicos a través do Portal de Transparencia e Goberno Aberto e do rexistro regulado no Decreto 132/2006, do 27 de xullo, os datos de carácter persoal e mailo resto das especificacións contidas no convenio.

### **Décimo segunda.- Protección de datos persoais**

As partes asinantes responsabilizaranse de que calquera tratamento de datos persoais que puideran levarse a cabo en virtude do mesmo se realice con absoluto respecto ás normas de seguridade e de conformidade co establecido no Regulamento 2016/679 (UE) Xeral de Protección de datos (en adiante, RXPd), na Lei Orgánica 3/2018, do 5 de decembro, de protección de datos persoais e garantía dos dereitos dixitais (en adiante, LOPDGDD) e demais normativa concordante.

Os datos persoais das persoas físicas asinantes do Convenio serán tratados polos asinantes unicamente para a adecuada formalización e desenvolvemento do mesmo e en base ao disposto no artigo 6.1 b) do RXPd.

### **Décimo terceira.- Notificación electrónica**

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están



obligados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

#### **Décimo Cuarta.- Vixencia**

Este convenio entrará en vigor ao día seguinte da súa sinatura, terá vixencia ata o 31 de decembro de 2023.

E, en proba de conformidade, e previa á súa lectura, ambas as dúas partes asinan o presente convenio.

